



Dlungia les competizuns tradicionales de lüsa alta, él ince preodü na competiziun por i atlec plö jogh, che pó se mosoré pro atres cinch gares.

Le scenar dla lüsa s'á spusté les ultimes döes edemes a Latsch y a Ried in Tirol tl'Austria, ulache al é gnü tigni la terza y quarta gara de Jugendcup. La competiziun é partida sō te cinch gares olache al tōl pert mituns dai 6 ai 14 agn che vëgn partís sō de deplö categories. Al vëgn garejé sides cun lüsa alta y sides cun lüsa basa.

A tó pert é ince i atlec plö jogh dla squadra dla lüsa da La Val, acompagná da Diego y Ivan Tschaffert.

Ai 30 de jenà à i atlec garejé a Latsch sön la pista “Gumpfrei”, ulache al é ince salté for a en podest, Brunner Philipp pó pié dô la medaia de brom tla categoria cuccioli. Peccei Lukas arjunj le otavo post te sũa categoria y i fredec Serafini Daniele y Lorenzo rispetivamënter le 10. y 14. post.

L’edma dô s’à la squadra metü sön trù por ruvé a Ried in Tirol a porvé de davagné atri punc importanc por la tlassifica finala. Te chësta gara é ince la sterscia concorënza austriaca che á tut pert. Brunner Philipp y Peccei Lukas fej bela parüda y se aiudichëia le cuarto post te sũa categoria. I fredec Serafini Lorenzo y Daniele à incunté n gran numer de atlec te sũa categoria, ruvan al 12. y 15. post.

L’ultima gara y finala de Raika Jugendcup gnarà tigni duman 09 de furà ite in Passeier, ulache al gnarà spo somé adüm i punc y detlaré le campün.

Do le training por les cualificaziuns ai campionac mondiai a Oberperfuss, gnü spusté a Funes, é ince gnü fissé i atlec che fajarà pert dla squadra taliana. De chisc tularà ince pert dla squadra da La Val: Rubatscher Manuela, Brunner Shamira y Miribung Carlo

I plazamënc dla 3a gara a Latsch ciafen chilò: [risultati](#)

I plazamënc dla 4a gara dora Ried in Tirol ciafen chilò: [risultati](#)

Por deplö informaziuns, por ci che reverda resultač, novitês y le program dla lüsa pon vijité la plata internet sot a chësc linch: <http://www.sportrodel.it/>

Por atres foto: [Dropbox](#)

